

[en marge] Parochialis sancti Salvatoris Iussani

Die 30 iunii 1686.

Praefatus dominus visitator (etc.) visitavit ecclesiam parochialem sub invocatione sancti Salvatoris, plebaniam nuncupatam de Iussani, cuius ad praesens est rector et plebanus admodum reverendus dominus Matthaeus Leca doctor, quam assecutus fuit per permutationem habitam quatuor abhinc annis cum admodum reverendo domino Paulo Ursino Porta tunc temporis rectore ecclesiae parochialis sancti Petri de Sorbo et Acagnano, ut ex litteris patentibus apud ordinarium expeditis apparet (etc.), percipiens in anno redditu libras octocentum usque ad novem circiter vel citra vel ultra monetae genuensis, consistentes in decimis, primitiis, oblationibus et in aliis proventibus bonorum stabilium dictae ecclesiae, quae est gravata pensione annua librarum centum et triginta monetae Genuae a summo pontifice reservata personae declarandae, ratione cuius nonaginta<e> librae solvuntur modo ad favorem admodum reverendi domini Pauli Ursini permutati<s> ut supra, [336v] cum iuribus et protestationibus prout in actis adductis ed adducendis per dictum dominum Matthaeum (etc.).

Visitavit sanctissimum sacramentum, quod invenit asservari in pyxide ex auricalco cum cuppa argentea in totum deaurata, conopaeo albi coloris et cruce in eius summitate instructa ad formam, quae inservit pro adoratione et communionibus generalibus.

Visitavit aliam pyxidem parvam pariter ex auricalco cum cuppa argentea in totum deaurata conopaeo viridis coloris et cruce in eius summitate instructa, cum sua bursa serica rubei coloris ad formam, quae inservit pro asportando sanctissimo viatico ad infirmos.

Pluviale, baldachinum, ostensorium non adsunt; ideo mandavit saltem infra triennium de eis provideri, sicut etiam mandavit provideri de duabus lanternis magnis pro sanctissimo deferendo.

Vidit umbellam ad formam, mandavit tamen in eius summitate apponi crucem; vidit etiam thurribulum cum eius navicula ex auricalco ad formam.

Ante sanctissimum sacramentum pendet lampas ad formam, continuo ardens ex impensis communitatis, quae etiam providet de cereis pro asportando sanctissimo.

Dictum sanctissimum sacramentum asservatur ad altare maius in tabernaculo ligneo speciosissimae formae, conopaeo varii coloris instructo, munito ser<r>a secreta et clave ad formam cum cruce in eius summitate, et supra dictum tabernaculum pendet baldachinum

tolerabiliter ad formam.

Velum humerale non est ad formam, ideo mandavit de altero provideri albi coloris serico saltem infra sex menses.

Visitavit fontem baptismalem et invenit eius vas deterioris formae absque ser<r>a secreta et clave, ita ut retinere non valeat aquam sanctam, et eius ciporium [*sic*] est etiam deterioris formae absque ser<r>a ut supra; ideo mandavit saltem [de] vase marmoreo [provideri] et etiam de novo ciborio ad formam, [cum clave] quae detineri deb[e]at paenes dominum plebanum, sub [337r] poena interdicti localis duraturi usque exequatur, quod mandat pro vase marmoreo et ciborio et ser<r>a secreta et clave. De conopaeo est provisum atque de cochleari ex auricalco.

Mandavit etiam supra dictum fontem appendi umbellam seu baldachinum et etiam in ea [= eo] apponi imaginem sancti Ioannis Baptistae Christum baptizantis.

Visitavit vasa stamnea oleorum chrismatis et cathecumenorum, quae invenit asservari in capsula munita ser<r>a secreta et clave, ubi etiam invenit asservari oleum infirmorum in vase pariter stamneo, ideo mandavit saltem infra trimestre confici fenestrulam in pariete prope altare maius in cornu evangelii et in ea asservari dictum oleum infirmorum, vestiatur intus panno violacei coloris et muniatur ser<r>a secreta et clave quae detineri debeat paenes dominum plebanum, et foris litteris maiusculis inscribatur *Oleum infirmorum*. Caetera vasa oleorum chrismatis et cathecumenorum mandavit asservari in fonte baptismali postquam munitus fuerit sera secreta et clave. Doctrina christiana docetur singulis diebus dominicis per dominum plebanum inter missarum solemnia, et populus est repertus satis instructus.

Nuptiae non benedicuntur, ideo mandavit in posterum benedici ad formam missalis romani, et si sponsi negligenter fuerint in dicta benedictione petenda contra eos poenam statuendam (etc.).

Visitavit altare maius, quod manutenetur a communitate, nullum habens redditum nec onus, et est sufficienter provisum de requisitis ad celebrationem missae.

Visitavit altare sub invocatione beatae Virginis de Rosario, quod manutenetur et sufficienter provisum de requisitis ad celebrationem missae quae in eo solet aliquando celebrari absque ullo redditu et onere, supra dictum altare adest icon cum ornamento columnarum sub ficto porfido sculptarum, et est ad formam.

Visitavit altare sub titulo Purgatorii, quod manutenetur [337v] a communitate, nullum habens redditum nec onus, et est provisum sufficienter de requisitis ad celebrationem missae. Coram altari beatae Virginis recitatur rosarium a [societate *ajout d'autre main en marge*] quadam ibi erecta auctoritate apostolica cum suis privilegiis et indulgentiis tam pro viris quam pro mulieribus. Corpus ecclesiae est satis ad formam sicut etiam eius fores munitae clave quae detinetur paenes dominum plebanum. Sed quia non adsunt procuratores pro dicta ecclesia, ideo mandavit per communitatem eligi duo de populo idoneos et aptos ad operam suam praestandam in servitium dictae ecclesiae, qui debeant singulis annis renovari vel confirmari, computa tunc temporis reddendo coram domino plebano et novis electis, et si electi recusaverint onus assumere possit dictus dominus plebanus eos multare poena ei arbitraria, et si procuratores neglexerint singulis annis computa reddere contra eos nunc pro tunc relaxavit poenam excommunicationis latae sententiae.

In dicta ecclesia solet recitari officium beatae Virginis singulis diebus festivis a quadam confraternitate laicali auctoritate ordinarii erecta, quae habet suos officiales, cuius caput dicitur prior, et renovantur per semestrem, excepto massario qui durat ad annum, et tunc temporis comptua [*sic*] redunduntur coram domino plebano et novis officialibus. Dicti confratres induunt cappas albas et habent massam pecuniariam constitutam ex certis annuis contributionibus dictorum fratrum, de qua solent subvenire confratribus defunctis de decem libris caerae pro sepulchralibus exequiis in eorum depositione et etiam associare sepeliendos processionaliter cum cassis. Sed quia dicta confraternitas non habet oratorium particulare, et [in ?] recitando officium, ut supra dictum est, in hac ecclesia perturbantur functiones parochiales, ideo mandavit fundari et erigi oratorium, in quo in posterum congregentur confratres ob recitationem dicti officii et [338r] etiam alias praeces effundendas et alia munia obeunda (etc.), et in dicto oratorio erigatur altare ut ibi possit aliquando missa celebrari de licentia tamen domini plebani.

In hac ecclesia reperiuntur duo monumenta sepulchralia, unum pro viris et alterum pro foeminis, manutenta a communitate, sed quia ostiolum unius ex illis est in aliaqua parte fractum, ideo mandavit readaptari, sicut etiam mandavit confici alium tumulum saltem infra annum pro parvulis sepeliendis.

Visitavit sedem confessionalem, in qua mandavit apponi schedulam casuum reservatorum et summarium bullae Coenae.

Visitavit suppellectilia sacra, quae asservantur in choro in quodam scamno munito sera

secreta et clave quae detinetur paenes dominum plebanum, et invenit tolerabiliter sufficientia, et mandavit dumtaxat provideri de casula albi coloris serica et etiam de alba et de quatuor candelabris ex auricalco pro altare infra annum.

Prope fontem visitavit sacrarium, quod mandavit muniri ser<r>a secreta et clave quae detineri debeat paenes dominum plebanum.

Visitavit campanile annexum muro ecclesiae, in quo sunt duo campanae ad formam.

[*en marge*] Ecclesia sancti Ioannis Baptiste

Visitavit ecclesiam campestrem sub invocatione sancti Ioannis Baptiste, quae antiquitus erat ecclesia parochialis, sed fuit pro maiori commoditate populi translata parochia ad ecclesiam parectam sancti Salvatoris.

Visitavit in dicta ecclesia unicum altare expoliatum et nudum, sed dictum fuit in eo celebrari aliquando et in die secundo Paschatis Resurrectionis ex debito, cum concursu totius populi huius plebaniae Iussanensis qui offert domino plebano celebranti panem et rotundum in singulos.

[338v] Suppellectilia sacra asportantur ex ecclesia parochiali dum ibi celebratur.

[*De nouveau sur l'église San Salvatore*] Corpus ecclesiae est antiquae formae ex lapidibus speciosis, et sunt munitae eius fores ser<r>a secreta et clave quae detinetur paenes dominum plebanum. Supra dictum altare adest icon ad formam.

Visitavit libros parochiales et mandavit in posterum servari ad unguem formulam ritualis romani, mandavit etiam confici librum de statu animarum, quas dictum fuit esse in totum in hac parochia centum et quadraginta circiter, ex quibus communicantur centum circiter, et omnes paruerunt praecepto ecclesiae, exceptis aliquibus qui adhuc expectantur accedere ad parochiam.

Visitavit aedes canonicales, et invenit sufficientes.